



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Io. Francisci Leonis Eporediensis I. V. D. Episcopi Thelesini Thesaurus Fori Ecclesiastici**

**Leoni, Giovanni Francesco**

**Coloniae Agrippinae, 1682**

3 Ad Concilium Provincialae, qui convenire debeant, & nu. 5. & qui  
excusentur.

**urn:nbn:de:hbz:466:1-10316**

- 32 Clerici sunt exempti à jurisdictione seculari à Deo.  
 33 Clerici non tenentur subvenire necessitatibus, vel utilitatibus civitatum, nisi

prius Romano Pontifice consulto, & in urgentibus necessitatibus.

- 34 Bona Ecclesiastica non sunt nostra, sed sunt patrimonium Iesu Christi.

**P**LURA scripsi de potestate Episcoporum, sed cum ad eos etiam spectet Conciliorum, ac Synodorum convocatio, & celebratio, de Concilijs, Synodisque breviter hoc loco differendum duxi, † Conciliorum quatuor sunt genera. Quædam enim sunt generalia, quædam nationalia, quædam provincialia, & quædam diocæsana, de quibus per Card. Bellarm. in 4. controv. gen. tom. 1. l. 1. cap. 4. in princip. Generalia dicuntur ea, quibus interesse possunt, & debent Episcopi totius orbis, nisi legitime impediantur, & quibus nemo recte præsidet, nisi Summus Pontifex, aut alius ejus nomine, & de quibus ante Card. Bellarm. diffuse scripserunt Card. Jacob. in tract. de conc. tract. tom. 13. Nationalia dicuntur, in quibus conveniunt Archiepisc. & Episc. unius Regni, vel nationis, quibus præest aliquis Patriarcha, vel Primas, de quibus per Bellarm. loco supra citato. Provincialia verò dicuntur in quibus conveniant tantum Episcopi unius Provinciæ, quibus præest Archiepisc. Diocæsana autem sunt, in quibus conveniunt Episcopis inferiores unius Episcopatus, quibus Episc. præest, quæ tamen vix dici possunt concilia, ut per eundem Bellarm. eod. cap. 4. qui in d. lib. 1. de concilijs generalibus, & nationalibus diffuse tractat, ad quem remissis lectorem sufficiat.

Concilia Provincialia, ubi omissa sunt, pro moderandis moribus corrigendis excessibus, controversijs componendis, alijs

que ex sacris canonibus permissis renovandis, Metropolit. per ipsos, seu illis legitime impeditis, Coepiscopus antiquior quolibet saltem triennio post octavam Paschæ Resurrectionis Domini N. Iesu Christi, seu alio commodiore tempore, in Provincia sua debent celebrare. Conc. Trid. in cap. 2. de reform. sess. 24. † Ad Archiep. spectat electio loci celebrandæ Synodi Provincialis, tamen cessantibus justis impedimentis, & accedentibus commoditatibus necessarijs, Metropolitana ecclesia non est relinquenda, Congregatio Conc. super eod. cap. 2. §. 1. ibi Synodum.

Metropolitanus autem, qui ex aliqua causa Concilium ad præscriptum tempus celebrare non potest, à Summo Pontifice dispensare solet, ut in eisdem decis. congreg. Conc. super eod. cap. 2. sub tit. Cæsar-Augustanæ. In eod. verò concilio † Episcopi omnes, & alij, qui de jure, vel consuetudine interesse debent exceptis ijs, quibus cum imminente periculo transfretandum esset, convenire omnino tenentur, ut d. cap. 2. & cap. 2. de reform. sess. 25. circa princip. & etiam ex dispositione antiquorum canonum erant concilia celebranda, cap. de concilijs, cap. propter ecclesiasticas, cap. pervenit, & c. quoniam quidem. 18. dis.

In concilijs † Provincialibus Commendatarij Monasteriorum, vel Abbatiarum inter Abbates sunt recipiendi, & canonici cathedralis ecclesiæ sunt illis præferendi, quando capitulariter procedunt, aut sedent, quia Ecclesiam repræsentant, & post

post Episcopos, omnibus aliis dignitati-  
bus præferuntur, Felin. in c. postulasti, n. 4.  
vers. fallit 3. de rescript. Cassan. in catal.  
glo. mun. par. 4. confid. 32. & Navarr. de  
major. & obed. conf. 2. nu. 1. & conf. 4. nu. 2.  
part. 1.

Abbatibus autem titulares, vel habentes  
usum mitræ, Commendatarios procedere  
debent, ut in eisdem decis. super eodem  
cap. 2. sess. 24. §. Commendatarij, post hos  
locum obtinent Dignitates, & post Di-  
gnitates, procuratores ecclesiarum cathedra-  
lium, ut ibi §. post hos. In sessionibus au-  
tem Primò Archiepiscopus, ut c. placuit,  
18. dist. Secundò Episcopi, quilibet secun-  
dum tempus ordinationis suæ sedere,  
subscribere, & alias prærogativas habere  
debent, c. ult. 17. dist. c. Episcoporum, 74. dist.  
& facit c. qui prior, ubi etiam glos. de re-  
gul. jur. in 6. Tertio Capitulum cathedra-  
li collegialiter incedens, vel cedens.  
Quarto Abbates habentes privilegium  
mitræ & baculii. Quinto procuratores  
Episcoporum absentium. Sexto procura-  
tores Abbatum absentium. Septimò Col-  
legiatæ. Octavo Plebani, sive Archipres-  
byteri. Nonò Parochi.

Quando autem Dignitates, & canoni-  
ci cathedralium non collegialiter, sed  
singulariter incedunt, aut sedent, tunc  
Abbatibus benedicti habentes usum mitræ,  
& baculi illos præcedunt. Cassan. in d.  
par. 4. confid. 32. & Navarr. conf. 2. de major.  
& obed. par. 1. cum aliis supra per me allega-  
tis in cap. 2. num. 31. Et præcedunt omnes  
alios Abbates Usu mitræ, & baculi non  
habentes. Navarr. conf. 1. n. 5. eod. tit.

Ampliatum primò d. conclusio, quòd  
non solum Abbates usum mitræ, & bacu-  
li habentes, canonicos, & Dignitates

collegialiter non incedentes, vel seden-  
tes præcedant, sed etiam Abbates Com-  
mendatarij, omnesque Abbates, tam se-  
culares, quam regulares, quia omnes, qui  
sunt capita ecclesiarum, in quibus habent  
iurisdictionem in foro contentioso, su-  
per eos, qui sunt de suo collegio, jure  
communi non solum habent Dignita-  
tem, sed etiam Prælati Ecclesiæ dicuntur,  
ut post glos. & Abb. in cap. cum ecclesia-  
rum, nu. 10. de off. ord. cap. statutum, de elect.  
in 6. Cassan. in catal. gl. mun. d. par. 4. confid.  
32. & 34. tenet Navarr. conf. 4. nu. 2. & 3.  
de major. & obed.

Secundò ampliatur in Protonotarijs  
Apostolicis etiam supernumerarijs, qui  
sunt Prælati, & rochetum deferre pos-  
sunt; quia propter canonicos, & Dignita-  
tes capitulares non collegialiter in-  
cedentes præcedunt, Cassan. in eod. catal.  
glo. mun. par. 4. confid. 29. cum distinctione  
tamen, de qua supra c. 2. nu. 35. si in habitu  
incedunt, aut alia sunt personæ notæ, &  
communiter habitæ, & reputatæ pro Pro-  
tonotarijs, quia in personis notis non at-  
tenditur habitus, qui non facit mona-  
chum, glos. in cap. 2. in ver. apparuerint, in  
fi. 27. qu. 1. & ubi datur occasio simul se-  
dendi, vel accedendi, etiam generales  
Ordinum præcedunt, Cerem. Episc. nu-  
per editum, lib. 1. c. 25.

Exempti verò, & Abbates non omnes  
interesse tenentur Concilio Provinciali,  
sed hi duntaxat, qui de jure, vel consue-  
tudine, interesse debent, d. cap. 2. sess. 24.  
Capitula tamen Ecclesiarum Cathedrali-  
um specialiter sunt invitanda, & obser-  
vantiam decretorum Concilij Provin-  
cialis omnino sunt obligata. Exempti  
quoque in casibus, in quibus de jure com-  
muni,